

do hoc esse potest. Nullam eiusmodi corporum resuscitationem mihi imaginari possum. Haec omnia mihi *ἄτοπα* et absurdā uidentur, ut non solum de illis ambigam, sed et omnia plane pro rebus, quae absolute fieri nequeunt, confidenter declarem. Cui enim ignotus est physices ille canon: a priuatione totali ad habitum non datur regressus? Ad omnem fidei doctrinam uix auditam, statim obstupescere, et dissidium suum patefacere, rationi sibi relictæ et corruptæ solenne admodum est. Ipsa beatissima mater Domini, Maria, uix bene percepta angelica salutatione, de incarnationis mysterio certiore faciente, exclamabat: πῶς ἐσαὶ τότε? quomodo erit istud. Luc. I, 34. Et Nicodemus nocturno colloquio cum Christo regenerationis mysterium audiens, illico in haec uerba erumpit: πῶς δύναται τὰῦτα γενέθαι, quomodo possunt haec fieri. Ioh. III. u. 4. Non autem exiguum sic ratio paralogismum committit, ab ignoratione modi ad negationem ipsius rei procedendo; et cum haec illatio neque in terrenis et temporalibus locum inueniat, qui posset in spiritu alibus et diuinis mysteriis aliquid ualere, ubi res non sciri, sed credi debent. Patentur Mathematici, esse in Geometria ueritates, quas intellectus humanus non comprehendit; quanto magis tales admittendae sunt in rebus a Spiritu Sancto nobis reuelatis. Hinc autor Clar. des Elements de Geometrie de Monseigneur le Dvc de BOVRGOGNE L. III. p. 40. scripsit: *Que si je me vois obligé de reconnoître des vérités incomparables en géométrie, où l' esprit humain se pique de voir plus clair qu' ailleurs; à plus forte raison dois-je avoir de la soumission pour des vérités d'un ordre supérieur à ma raison, et me souvenir toujours que celui qui l' a créée n' étoit pas obligé de la rendre capable de tout.*

§. II.